



Broj: 02-02-1637/17

Datum: 18.10.2017. godine

**ZAPISNIK**  
*sa sjednice Odbora za lokalni biznis i turizam*  
*održane 18.10.2017. godine*

Prisutni:

1. Vedran Grebo, predsjedavajući Odbora
2. Kemal Haset, zamjenik Predsjedavajućeg
3. Tarik Bjelak, član
4. Vedad Deljković, član
5. Tea Dreković, članica

Odsutni:

- Jasmin Skorupan, član
- Muhidin Planja, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Po ovlaštenju Gradonačelnika sjednici prisustvovala:

- Dragana Solaković, pomoćnik Gradonačelnika za lokalnu samoupravu i razvoj

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu prethodne sjednice Odbora za lokalni biznis i turizam, održane 11.09.2017. godine

Bez rasprave, na prijedlog Predsjedavajućeg, jednoglasno je usvojen sljedeći **dnevni red**:

1. Prijedlog Izmjena i dopuna Programa rada Gradskog vijeća Grada Sarajeva za 2017. godinu
2. Nacrt Programa rada Gradskog vijeća Grada Sarajeva za 2018. godinu
3. Nacrt Politike Grada Sarajeva za mandatni period 2016-2020
4. Predlaganje tema za Program rada Skupštine Kantona Sarajevo za 2018. godinu
5. Mišljenje o Prednacrtu Zakona o lokalnoj samoupravi Kantona Sarajevo
6. Tekuća pitanja

**TAČKA 1.**

***Prijedlog Izmjena i dopuna Programa rada Gradskog vijeća Grada Sarajeva za 2017. godinu***

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

1. Odbor za lokalni biznis i turizam sugerira Gradskom vijeću da razmatra Izmjene i dopune Programa rada Gradskog vijeća Grada Sarajeva za 2017. godinu kako su i predložene uz uvažavanje sljedećih zaključaka.

2. Odbor za lokalni biznis i turizam podržava prijedlog u dijelu koji se odnosi na izmjene vezane za razmatranje akata u oblasti urbanog planiranja, budući da su predložene izmjene vezana za Zakon o prostornom uređenju Kantona Sarajevo.
3. Odbor za lokalni biznis i turizam konstatira da se u izmjenama i dopunama programa, predlaže izostavljanje izvještaja, odnosno informacija o projektima koji nisu mogli biti realizirani, budući da sredstva za realizaciju tih projekata nisu bila planirana u Budžetu Grada Sarajeva za tekuću godinu, a kao što su:
  - 17.4. Program pomoći porodiljama/majkama na području grada Sarajeva i
  - 17.20. Izvještaj o realizaciji Programa pomoći porodiljama/majkama na području grada Sarajeva;
  - 17.19. Informacija o aktivnostima na realizaciji Akcionog plana rodne ravnopravnosti Grada Sarajeva;
  - 17.21. Izvještaj o saradnji i odnosima Grada Sarajeva sa nacionalnim manjinama;te Odbor predlaže da se zadrže navedene teme kroz koje će se Gradsko vijeće upoznati s problematikom koja je uvjetovala predlaganje izostavljanja ovih tema iz Programa rada Gradskog vijeća.
4. Odbor konstatira da se predlaže izostavljanje informacije o Položaju Grada Sarajeva u sklopu Turističke zajednice Kantona Sarajevo i predlaže da se tema opredjeljena turizmu Grada Sarajeva, razmatra na Gradskom vijeću do kraja tekuće godine u mogućoj formi, po prijedlogu Gradonačelnika, budući da je ovo bila jedina tema u okviru Statutarne nadležnosti Grada Sarajeva - lokalni biznis i turizam - u Programu rada Gradskog Vijeća Grada Sarajeva za tekuću godinu.

## *TAČKA 2.*

### *Nacrt Programa rada Gradskog vijeća Grada Sarajeva za 2018. godinu*

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

Odbora za lokalni biznis i turizam sugerira Gradskom vijeću da razmatra Nacrt Programa rada Gradskog vijeća Grada Sarajeva za 2018. godinu kako je utvrđen i uputi ga u javnu raspravu.

## *TAČKA 3.*

### *Nacrt Politike Grada Sarajeva za mandatni period 2016-2020*

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

Odbora za lokalni biznis i turizam podržava predložene politike u oblasti ekonomskog razvoja i sugerira Gradskom vijeću da razmatra Nacrt Politike Grada Sarajeva za mandatni period 2016-2020 kako je utvrđen i uputi ga u javnu raspravu.

## *TAČKA 4.*

### *Predlaganje tema za Program rada Skupštine Kantona Sarajevo za 2018. godinu*

Poslije kratkih uvodnih napomena i sažetka Predsjedavajućeg jednoglasno je usvojen sljedeći **zaključak**:

Odbor predlaže da Skupština Kantona Sarajevo u 2018. godini, programira akt za rad Skupštine kojim će regulirati učešće Grada Sarajeva i ostalih jedinica lokalne samouprave u Kantonu Sarajevo, u Turističkoj zajednici Kantona Sarajevo.

## *TAČKA 5.*

### *Mišljenje o Prednacrtu Zakona o lokalnoj samoupravi Kantona Sarajevo*

Poslije uvodnih napomena, te rasprave i sažetka Predsjedavajućeg, jednoglasno je usvojen sljedeći **zaključak**:

Odbor za lokalni biznis i turizam konstatira da je upoznat sa Prednacrtom Zakona o lokalnoj samoupravi Kantona Sarajevo i da je primio usmene informacije u vezi pripreme stručnog mišljenja Gradonačelnika o Prednacrtu, odnosno budućem Nacrtu Zakona.

Odbor za lokalni biznis i turizam konstatira da Skupština Kantona Sarajevo nije uvažila mišljenje Grada Sarajeva upućeno na prijedlog Amandmana na Ustav Kantona Sarajevo, što predstavlja problem za očitovanje o Prednacrtu Zakona u okviru utvrđenog mišljenja Grada Sarajeva.

Odbor lokalni biznis i turizam očekuje da će se donošenjem ovog zakona provesti reforma lokalne samouprave u Kantonu Sarajevu na način da se jasno razgraniče nadležnosti i prateći javni prihodi lokalne samouprave u Kantonu Sarajevo, i to tako da se izbjegne propisivanje obaveze, odnosno mogućnosti sporazumjevanja o nadležnostima lokalne samouprave između jedinica lokalne samouprave na istoj ili različitim razinama, odnosno jedinica lokalne samouprave i Kantona Sarajevo.

## *TAČKA 6.*

### *Tekuća pitanja*

Član Odbora za lokalni biznis i turizam, Tarik Bjelak je zamolio da mu se dostavi informacija o tome ko je podnio inicijativu, odnosno prijedlog na sjednici Kolegija Gradskog vijeća po osnovu kojeg je zaključeno da se predlože izmjene i dopune Programa rada Gradskog vijeća Grada Sarajeva za 2017. godinu.

*Zapisničar:*

*PREDSJEDAVALAJUĆI KOMISIJE*

*Mirjana Đanović-Stanić*

*Vedran Grebo*